

BUKA ARATA'I NA TE

AMAA

BUKA ARATA'I NATE

AMAA

Haapararehia e
Te Ekalesia a Iesu Mesia i te Feia Mo'a i te Mau Mahana Hopea Nei
Salt Lake City, Utah

© 1993, 1999, 2001 na Intellectual Reserve, Inc.
Fatura paruruhi
Nene'ihia i te Fenua Marite
Parau faatia no te reo Beretane: 3/01
Parau faatia no te iritiraa: 3/01
Iritiraa no *Branch Guidebook*
Tahitian

Te Mau Tabula Ohipa

Te Tumu no te hoê Amaa	1
Peresideniraa Amaa	3
Uiuiraa	7
Piiraa i te Mau Melo no te Tavini i roto i te Mau Tiaraa i roto i te Ekalesia	9
Patururaa e te Haamauruururaa	10
Faataaraa i te Mau Melo i roto i te Mau Tiaraa	12
Te Mau Oro'a e te Mau Haamaitairaa	13
Te Mau Hopoi'a a te Melo	14
Te Mau Apoora	15
Te Mau Vahi Apoora	20
Te Mau Materia	21
Te Mau Ohiparaa	22
Te Himene	23
Te Mau Parau Faaite	24
Te Moni	25
Haapiipiiraa Faatere	26
fariiraa i te Mau Materia a te Ekalesia e te Maimiraa i te Haamararamaramaraa no te Tuatapaparaa Utuafare	27

Opereraa

Ua faataahia te *Buka Arata'i na te Amaa* na te feia faatere o te amaa pii apihia i roto i te Ekalesia e aita hoi ratou i matau maitai i te Ekalesia. E mea faufaa atoa no te feia faatere i roto i te mau area rarahi. E faaitehia i reira, te tumu, te faahnahoraa, e te mau reni arata'i no te faatere i te hoê amaa.

Te Tumu o te hoê Amaa



I roto i To'na tau tahuti, ua faanahonaho o Iesu Mesia i Ta'na Ekalesia i nia i te fenua nei. I muri ae i to'na poheraa, ua putuputu te mau amuira o te feia faaroo no te haamori, no te haapii e no te faaohipa i Ta'na mau haapiiraa, e ua tavini, ua faauru, e ua haapuui te tahi i te tahi. Ua fafau te Faaora, "I te vahi e amui ai e toopiti e tootoru ma to'u nei i'o, tei rotopu atoa ia vau ia ratou ra" (Mataio 18:20).

I teie mahana, ua faanahonahohia te mau melo o te Ekalesia a Iesu Mesia i te Feia Mo'a i te Mau Mahana Hopea nei i roto i te mau amuira. Te mau amuira na'ina'i e parauhia e amaa, e e peresidenihia te amaa tataitahi e te hoê peresideni amaa. Ia faatiahia e te

Peresidenira Area, e nehenehe ta te hoê peresideni misioni e faanahonaho i te hoê amaa, mai te mea ua raeahia e piti ae utuafare melo i roto i te hoê tuhah, e te hoê o te mau melo, e taata tiama ia no te mauraia i te Autahu'araa a Melehizedeka e aore ra ei tahu'a tiama i roto i te Autahu'araa a Aarona. Te hoê taata tiama o te hoê ia taata o tei tomo i roto i te fafauraia i te Fatu, mai te bapetitoraa, e o tei tutava tamau noa ia haapao i teie mau fafauraia.

E hi'opoia te peresideni misioni i te amaa, e e afai atu te peresideni amaa i te parau faaite ia'na ra. Ia ravai anae te rahiraa amaa i roto i te hoê tuhah o te misioni, e nehenehe i te peresideni misioni ia faanahonaho i teie mau

amaa i roto i te hoê mataeinaa, ei parau faatiaraa râ na te Peresideniraa Area. Ia tia anae hoê amaa i roto i te hoê mataeinaa, na te peresideniraa mataeinaa e hi'opoa i te peresideni amaa, e na te peresideni mataeinaa e faatae i te parau faaite i te peresideni misioni.

Ua faaineine te Ekalesia i teie buka arata'i no te tauturu i te feia faatere o te amaa ia haapii i te mau hopoia o to ratou mau piiraa e nahea ia rave i te reira. E tauturu te feia faatere paatoo e te tahi atu mau melo ia faatupu i te misioni a te Ekalesia, oia hoi, te titaura i te mau taata atoa ia "haere mai i te Mesia, ia maitai roa outou ia'na ra" (Moroni 10:32). No te faatupu i teie misioni, e tauturu te feia faatere i te mau melo:

- Ia poro i te evanelia a Iesu Mesia i te mau fenua atoa, te mau opu atoa, te mau reo atoa, e te mau nunaa atoa. Faaite i te evanelia na roto i te iteraa papu ia au i te muhumuhuraa a te Varua. E tamau noa te mau misionare i te tauturu i te tururaa i te mau melo faafariu- api-hia i roto i to ratou riroraa ei melo no te Ekalesia.
- Ia haamaitai i te Feia Mo'a. Tauturu i te mau melo faafariu- api-hia ia haere i mua i roto i te Ekalesia mai te haapapu e e hoa to ratou e ua mau ratou i te hoê tiaraa e te faa-

amuhia ra ratou i te parau a te Atua. Ia farii ratou i te mau oro'a e ia rave ratou i te mau fafaura o te evanelia, e ia faaitoito i te haapao i te mau faaueraa mai ta ratou i fafau, ia tavini i to ratou mau taata tupu, ia haapao i te feia veve e te feia ravai ore, e ia faatupu i te autaeae te tahi i te tahi no te faaitoito e no te tahoê i te Feia Mo'a.

- Ia faaora i te feia pohe. Ia imi i te mau tupuna i pohe e ia rave i te mau oro'a hiero no ratou, te vahi e roaa mai no te faaineine ia ratou ia riro ei utuafare faateiteihia.

E nehenehe ta teie buka arata'i e tauturu i te feia faatere o te amaa, te taata hoê, e te mau utuafare ia ora i raro ae i te faaururaa a te Varua Maitai, ia riro hoi to ratou mau piiraa o te Ekalesia ei haamaitairaa e ei oa-oaraa. Taa ê atu i teie buka arata'i, te vai nei te mau papa'iraa mo'a, te *Buka Arata'i a te Feia Faatere o te Autahu'araa e o te Mau Pūpū* (31178), te *Buka Arata'i Utuafare*(31180), te *Buka Arata'i Haapiiraa* (34595), Te *Mau Parau Tumu o te Evanelia* (31110), *Gospel Fundamentals [Te Mau Titaura Tumu o te Evanelia* (31129), *Haamaramaramaraa na te Feia Faatere o te Autahu'araa e to te Mau Pūpū no te Mau Buka Haapiiraa* (363363), e te tahi atu mau buka i neneihia e te Ekalesia o te riro ei tauturu rahi.

Peresideniraaa Amaa



Ia faanahonaho-anae-hia te hoê amaa, e pii e e faataa te peresideni misioni e aore ra te peresideni mataeinaa, na roto i te faaotiraa a te peresideni misioni, e na roto i te faaururaa a te Fatu, i te hoê taata tiama o tei mau i te Autahu'araa a Melehizedeka ei peresideni amaa. E horoa te peresideni misioni e aore ra o te mataeinaa i te mau taviri no te peresideniraaa i nia i te peresideni amaa. Mai te mea e aore e taata tiama e mau ra i te Autahu'araa a Melehizedeka, e pihia ia e e faataa-hia te hoê tahu'a tiama ei peresideni amaa.

Na te peresideni amaa e hi'opoa e e haapuai i te mau melo, e hahaere i to ratou mau utuafare ei orometua ha-

haere, e faatere i te mau pureraa oro'a, e faatere i te mau ohiparaa, e faai i te mau parau faaite, e tae noa'tu e ua roaa e piti ae melo i roto i te amaa o te mau i te Autahu'araa a Melehizedeka. A rahi noa'tu ai te mau tane tei mau i te autahu'araa, e nehe-nehe i te peresideni misioni, i raro ae i te arata'iraa a te Varua o te Fatu, e pii e piti na tauturu no te peresideni amaa e te hoê papa'i parau no te tauturu i te faairaa i te mau parau faaite. Te peresideni e to'na na tauturu te riro ei peresideniraaa amaa.

O te peresideni amaa te tia'i mamoe o te hoê amaa, e peresideni oia na roto i te here e te aroha i nia i te taato'araa o te mau melo o te amaa. E faaite oia i

te hi'oraa maitai i roto i te parau no te horoa-tusiaraa i te Fatu "te aau tatarahapa e te varua maru" (3 Nephi 9:20) e ia faaite papu i te hanahana o te Fatu, o Iesu Mesia. I roto i te amaa, o te peresideni amaa:

- Te peresideni o te autahu'araa
- Te haava
- Te taata e aupuru i te feia veve e te feia ravai ore
- Te taata haapao i te moni e te mau papa'iraa parau faaite o te amaa

E hi'o e e haapuai te peresideniraa amaa i te mau melo o te amaa, e arata'i i te omuaraa o te mau pureraa autahu'araa, e peresideni i te Autahu'araa a Aarona, e faatere i te mau pureraa oro'a.

Te Peresideni o te Autahu'araa

Ei peresideni no te autahu'araa, ua horoahia i te peresideni amaa ra te mau taviri no te peresideniraa, no te faatere i te ohipa a te Fatu i roto i te amaa. E peresideni oia, e hi'o, e e haapuai i te mau melo paato'a o te amaa, e e haapii ia ratou ia maitai ratou i roto i to ratou mau piiraa. A tupu ai te amaa i te rahi, e tauturuhia oia e na tauturu i roto i te peresideniraa amaa, te feia faatere o te pūpū autahu'araa e te mau orometua hahaere utuafare. E faaitoito oia i te peresideni pūpū peresibutero ia haapapu e, ua faataahia anei te mau taeae hahaere no te utuafare tataitahi, e ia haapapu atoa e, te hahaere-tamau-hia ra anei te reira

mau utuafare. E riro te mau parau faaite tamau no nia i te hahareraa utuafare mai roto mai i te peresideni pupu peresibutero, ei tautururaa i te peresideni amaa ia ite i te mau hinaro o te mau melo.

Na te peresideni amaa e hi'opoa i te mau pūpū autahu'araa, te mau pūpū tauturu, e te mau ohiparaa i roto i te amaa, ma te haapao taa ê i te feia apî tamaroa o te Autahu'araa a Aarona e i te feia apî tamahine i roto i to ratou faito matahiti. O oia te peresideni o te Autahu'araa a Aarona i roto i te amaa. I roto i te parau no te araraa i nia i te feia apî tamaroa e te feia apî tamahine mai te 12 matahiti e tae atu i te 18 o te matahiti i roto i te amaa, e uiui tamau oia ia ratou no te tauturu ia ratou ia ite e ia ora i te mau arata'i-raa o te evanelia, e ia faaineine ia ratou no to ratou oraraa no te mau tau i muri nei. E haapapu maitai oia i te parau no te faaineineraa i te misioni e te misioni rave tamau no te feia apî tamaroa e no te feia apî tamahine e anaanatae ra i te rave i te reira. E pii oia i te feia apî tamaroa no te faatere i te mau pūpū no te



Autahu'araa a Aarona. E pii atoa oia i te mau melo no te arata'i i te mau pūpū tauturu o te amaa (Sotaiete Tauturu, Feia Apī Tamaroa, Feia Apī Tamahine, Paraimere, e te Haapiiraa Sabati). (A hi'o i te *Buka Arata'i a te Feia Faatere o te Autahu'araa e to te Mau Pūpū* no te mau haamaramaramaraa hau atu.) Mai te turuhia oia e to'na na tauturu, e pii oia i te mau melo no te haapii i t mau piha haapiiraa e ia tavini i roto i te mau tiaraa o te amaa. E uiui tamau oia i te feia faatere o te pūpū autahu'araa e to te mau pūpū tauturu no te farii i ta ratou mau parau faaite no nia i to ratou mau piiraa e ia ruru e o ratou.

E peresideni te peresideni amaa i te mau pureraa oro'a, i te mau pureraa autahu'araa, e te tahi atu mau apooraa o te amaa o ta'na e amui atu, eiaha rā i te taime e te reira te peresideni mataeinaa e aore ra misioni, te hoē Mana Faatere Area Hitu Ahuru, e aore ra te hoē Hui Mana Faatere o te Ekalesia. E ani manihini te peresideni amaa i teie mau mana faatere ia parahi i mua. E hi'o e ia riro te mau pureraa e te mau ohiparaa ei tauturu i te mau melo ia haere mai i te Mesia.

Na te peresideni amaa e arata'i i te tereraa o te rahiraa o te mau oro'a (a hi'o i te *Buka Arata'i na te Utuafare*). E haapapu oia e, te taata atoa e rave i te hoē oro'a, ua mau īā oia i te mana autahu'araa i titauhia, e e taata tiama hoi oia, e te haapao nei oia i te arata'i-raa tano. E faatia oia i te mau faatoro'araa e te mau faanuuraa i roto i te Autahu'araa a Aarona. I muri ae i te

farereiraa i te peresideni mataeinaa e aore ra misioni, e horoa oia i te i'oa o te mau taeae o te farii i te Autahu'araa a Melehizedeka e o te faatoro'ahia i te toro'a peresibutero. Mai te faatiahia e te peresideni misioni, e nehenehe i te peresideni mataeinaa, te peresideni amaa, e aore ra te tahi atu melo tiama o te mau i te Autahu'araa a Melehizedeka e horoa i te Autahu'araa a Melehizedeka e ia faatoro'a ei peresibutero.

Haava

O te peresideni amaa te haava no te mau melo o te amaa. E uiui oia ia ratou no te haava i to ratou tiamaraa no te parau faatia no te hiero, no te mau faatoro'araa, no te mau oro'a, no te mau piiraa, e no te mau haamaitai-rraa patereareha. E nehenehe ta'na e a'o atu i te mau melo o te amaa ia imi i te arata'ira a i te pae varua.

No te tauturu i te peresideni amaa i roto i ta'na mau hopoi'a ei haava, ua fafau te Fatu ia'na i te horoa no te iteraa. E no te mea e taata tiama oia, na teie horoa e tauturu ia'na ia ite i te mea e vai ra i roto i te aau o te hoē taata. E tauturu atoa te reira ia'na ia ite eaha te parau e parau atu no te tauturu i te hoē taata.

Ia ofati anae te mau melo o te Ekalesia i te ture, e nehenehe ta te peresideni amaa e faaitoitio e e tauturu ia ratou ia tatarahapa e ia fa'i i ta ratou mau hara ia'na ra e i te Fatu ra.

Mai te mea e rave te hoē melo i te hoē hara rahi, e titauhia īā te hoē faatitiae-

faroraa, tae noa'tu i te hoê taime hi'o-poaraa, te tapearaa ohipa, e aore ra te huriraa i rapae i te Ekalesia. E hi'opoaa te peresideni amaa i te reira fifi e te peresideni misioni, e na'na e faaotia titauhia anei i te hoê apooraatia faroraa. Na roto i te faaueraa a te peresideni misioni, e nehenehe i te hoê peresideni mataeinaa e aore ra i te hoê peresideni amaa o tei mau i te Autahu'araa a Melehizedeka peresideni i te reira. E faaterehia teie mau apooraan roto i te varua o te here. Ua faanahonahohia te reira no te tau-turu i te taata ofati ture ia tatarahapa e ia farii faahou i te iraa o te mau haamaitairaa o te evanelia.

Mai te mea e tahu'a te peresideni amaa, aita oia e faatiahia ia tia ei haava. I taua taime ra, o te peresideni misioni ia te haava o te mau melo o te amaa.

Haapaoraa i te Feia Veve e te Feia Ravai Ore

E haapii te persideni amaa i te mau melo ia riro ei feia ravai i ta ratou iho e ia aufau i ta ratou moni haapaeraa maa no te tauturu i te feia i roto i te fifi. Tei ia'na ra te hopoi'a mo'a no te imiraa i te feia veve e te feia ravai ore tiama i roto i te amaa, e te faaohiparaa i te moni haapaeraa maa no te tauturu ia ratou. E nehenehe i te peresideni püpü autahu'araa e to te Sotaiete Tauturu e tauturu ia'na.

Ma te haapao i te mau arata'iraa a te Ekalesia, e nehenehe ta te peresideni amaa e faaotia e e mea nahea ia faaohipa i te moni haapaeraa maa no te tauturu i te feia veve e te feia ravai ore.

Hi'opoaraa i te Moni e te mau Parau Faaite

E farii te peresideni amaa i te mau moni no te tuhah ahuru e no te haapaeraa maa mai o mai i te mau melo o te amaa. Na'na e faatere i te faaohiparaa i te mau moni atoa o te amaa, e faai i te parau faaite no te aufauraah tuhah ahuru, e ia haapapu e ua tano te mau parau faaiteraa a te amaa i te mau faanahonahohia ture a te Ekalesia mai te au i te arata'iraa a te peresideni mataeinaa e aore ra misioni. Eita roa e nehenehe i te hoê noaae taata faatere e rave i te moni a te Ekalesia no to'na iho mau hinaaro.

E haapapu oia e, te ohi-papu-hia ra te moni haapaeraa maa i te ava'e. Ia haapae anae te mau melo i te maa, e haapae ratou i te tamaa e e inu i te pape no'na tamaaraa e pitia, e e horo ratou i te moni haapaeraa tei tuea i te hoo o te maa e te inu o ta ratou e aufau ahiri e e tamaa ratou.

Mai te mea e tahu'a te peresideni amaa, na te peresideni misioni e hi'opoaa i te mau horoaraa e te mau haamau'araa a te amaa.

E pii e e haapiipii oioi te peresideni amaa i te hoê papa'i parau o tei mau i te autahu'araa, tei aufau i te tuhah ahuru tia, e e iteraa papu to'na no nia i te evanelia, e o tei faaite i to'na haapaoraa i te mau faaueraa a te Fatu. E haapapu te peresideni amaa e te pee nei te papa'i parau i te arata'iraa a te Ekalesia no te pae no te haapaoraa i te mau moni a te Ekalesia.

Uiuiraā



Te hoē uiuiraā o te hoē īā farereiraa i rotopu i te hoē taata faatere e te hoē atu taata. I roto i te hoē uiuiraā, e ui atu te taata faatere i te mau uiraa, e faaroo, e haapii, e horoa i te a'oraa i te tahi atu taata. E riro te mau uiuiraā ei taime no te faaiteraa i te tahi mau haamaramaramaraa, e aore ra, no te horoaraa i te parau faaite no nia i te ohipa i faauehia ia rave, e aore ra, no nia i te hoē piiraa. E riro atoa taua taime ra ei taime no te haapiipiiraa e no te a'oraa. E riro te uiuiraā ei taime maitai roa no te hoē taata faatere ia haapii i te mau melo i te mau parau haapiiraa, te mau parau tumu o te evanelia, e te mau ohiparaa a te Ekalesia, e te haapapuraa i te mau pa-pa'iraa mo'a e te mau haapiiraa a te

mau perophta o te mau mahana hopea nei.

E uiui te persideni amaa i te mau tamarii e fatata atura i te va'u o te matahiti no te hi'oraa i to ratou ineineraa no te bapetito e no te haamauraa ei mau melo no te Ekalesia mai te mea hoē ae o te mau metua e melo no te Ekalesia e e faatia na metua toopiti i te bapetito. (Na te misionare faatere e uiui i te mau tamarii e iva matahiti te paari no te bapetito e te mau tamarii e va'u matahiti te paari mai te mea e na melo ore na metua toopiti e no te tuuraa rima.) E uiui te peresideni amaa i te mau melo no te hi'oraa i te tiamaraa no te farii i te autahu'araa, no te faanuu i roto i te autahu'araa,

e aore ra no te tavini atu i roto i te hoê piiraa. E uiui te peresideni amaa e te peresideni misioni i te mau melo o te amaa no te hi'oraa i te tiamaraa no te farii i te hoê parau faatia no te hiero.

E riro teie mau mana'o tauturu i raro nei ei tauturu i te feia faatere ia faatupu i te mau uiuira a maitai:

1. Maiti i te hoê vahi maniania ore i reira te uiuira a e tupu ai mai te ore e haafifihia.
2. Faaara i te taata no te aha oia e uiuilia ai.
3. Ia ui i te mau uiraa na roto i te here, e te afaro.
4. Ia vaiiho i te taata ia ui mai i te uiraa e ia faaite i te mana'o.

5. Faaroo i te parau a te taata e parau mai.
6. Horoa i te a'oraa, i te haapiiraa, e te ohipa e titauhia ma te papu maitai.
7. Haamauruuru e faaitoito i te taata e, na roto i te faaururaa a te Varua, a faaite i te iteraa papu, tai'o i te mau irava o te papa'iraa mo'a, e a pure amui. Tauturu i te taata i roto i te mana'o puai e te tiaturi.
8. Vaiiho i te taime no te uiuira a ia nehenehe i te taata ia faaoti maitai eiaha râ na roto i te ru.

Ia uiui anae i te hoê vahine, e mea tia i te peresideni amaa ia an i te hoê taata o te mau i te autahu'araa ia parahi i roto i te hoê piha tapiri noa mai.

Piiraa i te Mau Melo no te Tavini i roto i te Mau Tiaraa no te Ekalesia



Ia pii anae i te mau melo no te tavini i roto i te mau tiaraa o te Ekalesia, e mea tia i te feia faatere o te autahu'a-raa ia uiui i te taata i te hoê vahi e aita e taata ê atu, no te hi'oraa e mea tiama anei te taata ia tavini, e aore ra e maraa anei ia'na, e te hinaaro ra anei oia, e aore ra e taime anei to'na no te rave i te ohipa no to'na piiraa, e aore ra e nehenehe anei ta'na e tavini mai te mea e mea maitai anei to'na utuafare.

Mai te mea e ite te taata faatere, na roto i te faaururaa, e mea tano tera taata no te tiaraa, e ani oia i te taata ia farii i te piiraa, mai te haapapu ia'na

e, no ô mai te reira i te Fatu ra. E haamaramarama oia i te mau ohipa e te mau haamaitairaa no te piiraa, e e faaite ia'na e, e haamuruuruhi aia i te hoê taime tano.

Hou ae a pii ai i te hoê vahine faaipoipo i roto i te hoê tiaraa, e mea tia i te taata faatere ia aparau i ta'na tane faaipoipo e no te haapapu e paturu mai oia ia'na. Ia pii anae i te hoê tane i te hoê piiraa, e mea tia ia haapapu e e turu mai ta'na vahine ia'na. E aparau te taata faatere i te mau metua hou a pii ai i te hoê tamarii e aore ra, te hoê feia apî no te tavini i roto i te hoê tiaraa no te Ekalesia.

Patururaa e te Haamauruuraa



Ia faari anae te mau melo i te mau piiraa e aore ra ia faatoro'a-anae-hia i te toro'a i roto i te Autahu'araa a

Aarona, e mea tano i te hoê melo o te peresideniraa amaa ia tuu i to ratou mau i'oa ia paturuhia i roto i te hoê pureraa a te Ekalesia i mua i te feia o ta ratou e tavini atu. No te rave i te reira, e tuu atu te taata faatere peresideni e aore ra te taata e arata'i ra i te mau i'oa (i roto i te hoê pureraa oro'a no te mau piiraa o te amaa e aore ra i roto i te hoê piha haapiiraa e aore ra i roto i te hoê piha a te püpü autahu'araa e aore ra a te feia faatere o te püpü autahu'araa) e ia ani i te mau melo e pii apihia ia tia i nia e ia patruhia i te amuiraa, e aore ra i te mau melo o te piha, e aore ra i te mau

melo o te püpü autahu'araa. Mai teie te huru o te mau parau o ta te taata e tuu ra i te i'oa e parau:

"Ua pii matou ia [faahiti i te i'oa o te taata] ia tavini oia ei [faahiti i te tiaraa i reira te taata e piihia ai] e te tuu hia'-tu nei ia paturuhia oia i roto i taua piiraa ra. O ratou o te farii a faaite mai na roto i te afairaa i te rima i nia. [Tiai no ratou paatoa o te paturu ia afai i te rima i nia]. Te feia e patoi, mai te mea e, te vai ra, a faaite atoa mai na roto i te afairaa i te rima i nia.[Tiai i te hoê taime no te feia patoi ia afai i to ratou rima i nia]."

Mai te mea te vai ra te patoira e apa-rau atu ia te hoê melo o te peresideniraa amaa i te taata patoi. Te taata e

tuuhia to ratou i'oa ia paturuhia e afai atoa ratou i to ratou rima i nia. Mai te mea e pitie aore ra e hau atu te mau i'oa e tuuhia, e mea tia ia paturu amuihia ratou.

Ia haamauruuruuhia te mau melo mai roto mai i te mau piiraa o te Ekalesia, e uiui te hoē taata faatere o te autahu'araa ia ratou, haamauruuru maitai ia ratou no ta ratou ohipa i rave, e ia faaite e ua tae i te taime no te haamauruuru ia ratou. I roto i te pureraa oro'a, te taata e peresideni ra e aore ra

te taata e arata'i ra e faaite ai i te haamauruuru. Ia haamauruuhia te mau melo mai roto mai i te piha haapiiraa e aore ra mai roto i te mau tiaara no te pūpū autahu'araa, e faaara ia te taata e peresideni ra e aore ra te taata e arata'i ra i roto i te piha haapiiraa, e aore ra i roto i te pureraa a te autahu'araa. I roto i te faaararaa i te haamauruuru, e ani te taata faatere i te mau melo ia faaite mai i to ratou tapao mauruuru na roto i te afairaa mai i to ratou rima i nia no te melo tataitahi o te haamauruuruuhia.

Faataaraa i te Mau Melo i roto i to ratou Mau Piiraa



E mea tia ia faataahia te mau melo i piihia i roto i te mau tiaraa o te Ekalesia hou ratou a haamata atu ai i te taviniraa (a hi'o i te PH&PF 42:11). I raro ae i te faatereraa a te mana pere-sideni, hoê e aore ra e piti na taata tei mau i te Autahu'araa a Melehizedreka, tae noa'tu i te metua tane tiama e aore ra te tane faaipoipo o te nehenehe ia amui atu i roto i te faataaraa. E tuu ratou i to ratou mau pu'e rima i nia i te upoo o te taata e faataahia ra. E parau te taata e faataa ra:

1. Faahiti i te taatoaraa o te'i'oa o te taata

2. Faahiti e te faataa nei oia i teie taata na roto i te mana o te Autahu'araa a Melehizedeka.
3. Faataa i teie taata i te tiaraa i piihia ai oia.
4. Horoa i te haamaitairaa mai te au i te arata'ira a te Varua.
5. Opani na roto i te i'oa o Iesu Mesia.
Ia faataa anae i te hoê peresideni no te hoê püpü no te mau peresibutero, no te haapii, e aore ra, no te diakono, e horoa te peresideni misioni e aore ra te peresideni amaa i te mau taviri o te peresideniraa no taua püpü ra i nia i te taata o te faataahia ra.

Te Mau Oro'a e te Mau Haamaitairaa



E mea mo'a te mau oro'a o te autahu'araa i horoahia mai e te Fatu e o te ravehia na roto i te mana o te autahu'araa. E horoahia te mau haamaitairaa o te autahu'araa na roto i te mana o te autahu'araa no te faaoraraa, no te tamahanahana, e no te faaititoraa. Te mau taeae o te rave i teie mau oro'a e te mau haamaitairaa e mea titauhia ia ineine noa ratou na roto i te oraraa i te mau parau tumu o te evanelia e ia tutava ia arata'ihia i te Varua Maitai. E rave ratou i te oro'a e te haamaitairaa tataitahi na roto i te hanahana. E mea tia ia ravehia te oro'a e te haamaitairaa mai teie te huru:

1. Na roto i te i'oa o Iesu Mesia.
2. Na roto i te mana o te autahu'araa.

3. Faahiti i te tahi atu parau e titauhia, mai te mau parau no te hinu olive i haamo'ahia.
4. I te vahi i titauhia, e mea tia ia farii i te parau faatia no te raveraa i te mau oro'a mai roto mai i te mana no te taata faatere o te autahu'araa o te mau i te mau taviri no te reira: *Te mau oro'a o te titauhia i te parau faatia mana a te taata faatere o te autahu'araa o teie ia, te toparaa i'oa e te haamaitairaa i te mau tamarii, te bapeittioraa e te tuuraa rima, horoaraa i te autahu'araa e te faatoro'araa i roto i te ho'e toro'a o te autahu'araa, te haamaitairaa e te opereraa i te oro'a, e te haamaitairaa i te mau menema.*

A hi'o i te *Buka Arata'i Utuafare* no te haamaramaramaraa no te mau oro'a e no te mau haamaitairaa.

Te Mau Hopoi'a a te Melo



E titau te feia faatere o te Ekalesia i te mau melo atoa o te Ekalesia, i te vahi o ta ratou e ora ra, ia turu i te misioni a te Ekalesia na roto i te raveraa i ta ratou mau hopoi'a, mai (1) te faaiteeraa i te evanelia na roto i te iteraa papu ia au i te faaururaa a te Varua, (2) te tautururaa i te taata tataitahi e te mau utuafare ia haamaitai roa ia ratou i roto i to ratou oraraa a titau ai ratou i te tahuti ore e te ora mure ore na roto i te faaititoraa ia haapao i te mau faaueraa, taviniraa i to ratou

mau taata tupu, e ia farii i te mau oro'a e te mau fafaura a o te evanelia, e (3) te tautururaa i te taata tataitahi e te mau utuafare i roto i te imiraa i te mau tupuna i pohe e te faaititoraa ia ratou ia farii i te mau oro'a o te hiero. E turu paatoa te mau melo o te Ekalesia i te misioni a te Ekalesia na roto i te raveraa i teie mau hopoi'a. No te haamaramaramaraa hau atu no nia i teie mau hopoi'a, a hi'o i te *Buka Arata'i Utuafare*.

Te Mau Apoora



No te mau amaa e o te peresideni amaa anae te taata e mau nei i te Auathu'araa a Melehizedeka e aore ra e tahu'a oia i roto i te Autahu'araa a Aarona, a faatere i te pureraa oro'a e te haapiiraa i te evanelia i te Sabati i te mau melo.

Te mau amaa e te vai nei te pūpū peresibutero, e faatupu ia ratou i te mau apoora a muri nei taa ê atu i tera i faaitehia i nia nei:

1. Pureraa autahu'araa
2. Pureraa Sabati na te mau vahine, na te feia apî tamahine, e na te mau tamarii.
3. Te apoora a te tomite faatere o te autahu'araa.
4. Apoora faatere a te amaa.
I te vahi e mea ravai maitai te rahiraa o te mau melo e te feia faatere tae noa'tu i te mau piha, e nehenehe ta te hoê amaa ia faaore i te pureraa Sabati a te mau vahine, te feia apî tamahine, e te mau tamarii e ia faatupu i te mau faanahoraa i muri nei taa ê atu i tera i faaitehia i nia nei:
 1. Sotaiete Tauturu
 2. Autahu'araa a Aarona (Feia Apî Tamaroa)
 3. Paraimere
 4. Haapiiraa Sabati
 5. Feia Apî Tamahine

6. Pūpū Feia Apī, i reira te feia apī tamaroa o te Autahu'ara a Aarona e te Feia Apī Tamahine e amui ai mai te au i to ratou faito matahiti i te ahiahi o te hoē mahana o te hepetoma e aore ra i te Mahana Maa no te mau ohiparaa a te feia apī i raro ae i te faatereraa e te hi'opoaraa a te persideniraa amaa

Te Mau Hi'oraa no te Mau Hora Pureraa i te Sabati

Te mau Parau Faaararaa no te Feia Faatere o te Autahu'araa e no te mau Pūpū Tauturu i nia i te Faanahoraa Haapiiraa; te faaite ra i reira te mau hi'oraa no te mau hora pureraa i te Sabati.

Pureraa Pō Utuafare

Ia faatupu te utuafare tataitahi i te hoē pureraa pō utuafare i roto i to ratou utuafare i te hoē ae taime i te hepetoma (a hi'o i te *Buka Arata'i Utuafare*).

Pureraa Oro'a

Na te peresideni amaa e peresideni i te pureraa oro'a, i reira te mau taeae tiama tei mau i te autahu'araa tei faatahia, e haamaitai ai e e opere ai i te oro'a. Na te hoē melo o te peresideniraa amaa e arata'i i te pureraa e ia hi'o ia haamaita i te hora tano. Mai teie te huru:

1. fariiraa e te faatupuraa i te au mai-tai i te pae varua
2. Mau parau faaara potopoto

3. Himene matamua e te pure
4. Te ohipa a te amaa
5. Himene oro'a e te haamaitairaa e te opereraa i te oro'a
6. Te mau a'oraa i nia i te mau tumu parau o te evanelia e te mau papa'iraa mo'a e te mau haapiiraa a te mau peropheta e te mau aposetolo o te mau mahana hopea nei.
7. I rotopu i te mau a'oraa, e himene te amuiraa e aore ra te hoē pūpū himene, te tanoraa o te hoē ia himene mai roto mai i te buka himene.
8. Faaoti na roto i te himene e te pure

Hoē taime i te ava'e, i te Mahana Sabati matamua, o te pureraa oro'a ia e te haapaeraa amaa e te faaiteraa i te iteraa papu. E anihia i te mau melo ia haere mai na roto i te varua haapae-raa e te pure i muri ae ia i to ratou haapae-raa i te maa e te pape no na tamaraa e pitii mai te mea e aita te reira e haafifi i to ratou tino.

Ia oti te oro'a mo'a i te haamaitaihia e i te operehia, e horoa te melo o te peresideniraa amaa e arata'i ra i te pureraa haapae-raa maa e te iritiraa mana'o, i to'na iteraa papu no nia ia Iesu Mesia e no nia i te evanelia, e e ani oia i te mau melo ia faaite mai i to ratou mau iteraa papu i roto i te taime e toe ra. E faaoti te pureraa na roto i te hoē himene e te pure. E haamaitaihia e e operehia te oro'a i roto i te pureraa oro'a tataitahi (a hi'o i roto i te tuhua "Te Mau Oro'a e te Mau Haamaitairaa" i roto i teie buka arata'i).



Pureraa Autahu'araa

E faaterehia te pureraa autahu'araa na mua e aore ra i muri ae i te pureraa oro'a. Na te hoê melo o te peresideni-rraa amaa e arata'i i te haamataraa. Teie te hoê hi'oraa:

1. fariiraa e te faatupuraa i te au mai-tai i te pae varua
2. Mau parau faaararaa poto e te ohipa
3. Himene haamataraa e te pure
4. Faataaraa i roto i te mau püpü autahu'araa no te haapiiraa
5. Pure hopea i roto i te mau püpü autahu'araa

I muri ae i te haamataraa, e amui te taatoaraa o te mau tane (mai te 19 matahit i hau atu) i roto i te püpü

peresibutero, e na te peresideni o te püpü peresibutero e peresideni.

Te feia apî tamaroa paatoa (mai te 12 e tae atu i te 18 matahit) e amui ratou i roto i te faanahoraa a te püpü o te Autahu'araa a Aarona, o te pereside-nihia e te peresideni amaa. Mai te mea e aita e ravai i te piha haapiraa e te rahiraa o te mau melo, e nehenehe i te feia apî tamaroa o te Autahu'araa a Aarona e amui atu i rotopu i te mau taeae no te Autahu'araa a Melehizedeka. Teie râ, mai te mea e mea ravai te rahi o te feia apî tamaroa, e mea ravai te feia faatere taata paari e mea ravai te piha haapiiraa, e nehenehe ia ia faataa i te mau dia-kono, te mau haapii, e te mau tahu'a i roto i ta ratou mau piha. (A hi'o i te *Buka Arata'i a te Feia Faatere o te Autahu'araa e o te Mau Püpü.*)

Te Pureraa Sabati a te Mau Vahine, a te Feia Apî Tamahine, e a te Mau Tamarii

I roto i te mau amaa nainai tau tua-hine noa e tau tamarii noa, e arata'i te Peresideni o te Sotaiete Tauturu o te amaa i te haamataraa o te apooraa.
Mai teie te tahi hi'oraa:

1. fariiraa e te faatupuraa i te au mai-tai i te pae varua
2. Mau parau faaararaa poto e te ohipa
3. Te hoê himene haamataraa e te pure
4. Te mau himene e te mau himene a te mau tamarii
5. Haapiiraa na te peresideni o te Sotaiete Tauturu e aore ra faataaraa i te mau piha
6. Pure hopea

Mai te mea e aita e ravai i te piha no te faatupuraa i ta te püpü tataitahi i roto i te mau amaa nainai, e amui ia te mau tane, te mau vahine, e te mau tamarii i roto i te pure haamataraa o te arata'ihiia e te peresideni amaa.

A tupu ai te amaa i te rahi, e nehe-nehe i te feia apî tamahine (mai te 12 e tae atu i te 18 matahiti) e amui e te Sotaiete Tauturu, area te mau tamarii (mai te 3 e tae atu i te 11 matahiti) e amui atu ia ratou i raro ae i te faatere-raa a te hoê tuahine tei faataahia na te peresideni amaa.

Ia faanahonaho-anae-hia te Sotaiete Tauturu, te Feia Apî Tamahine, e te Haapiiraa Sabati i roto i te hoê amaa, e faataa-ê-hia te Sotaiete Tauturu e te Feia Apî Tamahine i roto i te taime a amui atoa ai te autahu'araa. E tupu te Haapiiraa Sabati i muri ae i te pure-raa autahu'araa. E tupu te Paraimere i te hoê â taime e te autahu'araa, Sotaiete Tauturu, Feia Apî Tamahine, e te Haapiiraa Sabati. Te tuhaa no te haamataraa o te pureraa a te Paraimere o te afaraa ia o te taime, e te tahi afaraa i roto ia i te piha haapiiraa. I roto i te mau pureraa a te mau püpü, e pure te mau melo, e himene, e haapii, e haapii i te evanelia na roto i te faaohiparaa i te *Te mau Parau Faaararaa no te Feia Faatere o te Autahu'araa e no te mau Püpü Tauturu i nia i te Faanahoraa Haapiiraa*.

Te Apooraa a te Tomite Faatere o te Autahu'araa

Te mau melo o te tomite faatere o te autahu'araa o te peresideniraa amaa ia, te papa'i parau, te papa'i parau faatere, te peresideni o te püpü pere-sibutero, te peresideni o te Feia Apî Tamaroa, e te taata faatere misioni o te amaa (mai te mea ua piihia). E fare-rei ratou i te taime atoa e titauhia ai no te faanahonaho i te mau ohiparaa a te amaa, i te mau ohipa taviniraa, no te haapupu e, te haapuai mau ra anei ratou i te mau utuafare e i te mau taata tataitahi, e te pahonohia ra anei te mau hinaaro o te mau melo.



Na te peresideni amaa e peresideni. E aparau e e faaau te tomite i te mau hopoi'a mai te hahaereraa utuafare, ohipa misionare, e te hiero e te ohipa tuatapaparaa utuafare.

Te Apooraamamaa

Te apooraamamaa o te peresideniraamamaa ia, te papa'i parau, te papa'i parau faatere, te peresideni o te pūpū peresibutero, te peresideni o te Feia Apī Tamāroa o te amaa, te faatere misioni o te amaa (mai te mea ua piihia); te mau peresideni o te Sotaiete Tauturu, te Feia Apī Tamahine, te Paraimere, e te Haapiiraa Sabati e te taata haapao i te haamaitairaa i te orometua haapii o te amaa. I roto i teie mau apooraamamaa e imi ratou i te ravea no te haapuui i te mau taata

tataitahi e i te mau utuafare i te pae varua; e tauturu ia ratou ia faaineine no te farii i te mau oro'a hiero; ia haamaitai i te mau melo faafariu apihia; ia haapii i te mau faanahoraa no te haapaoraa i te feia veve; ia faaau i te mau ohipa a te amaa, e te mau tavini-raa, e te tatararaa i te mau fifi o te amaa. E aparau te peresideni o te Sotaiete Tauturu i te mau hinaaro o te mau vahine, te feia apī tamahine, e te mau tamarii i roto i te amaa mai te mea e, aita te peresideni o te Feia Apī Tamahine e to te Paraimere i piihia'tu ra. E ani te peresideni amaa i te mau manao o te taato'araa i roto i te aparauraa, te faaoetiraa, e te faanahonahoraa. E hi'o oia i to ratou mau manao i roto i te faanahonahoraa e te horoaraa i te mau ohipa.

Te Mau Vahi Apooraā



E faatupuhia te mau pureraa pô utuafare i roto i te utuafare o te mau melo. Te tahi atu mau apooraā e aore ra pureraa o te amaa e tupu ia i roto anei i te hoê fare, i roto anei i te hoê fare taruhuhia e aore ra i roto i te hoê fare fatuhia e te Ekalesia. Tei te peresiderniraā misioni te haamaramaramaraa

no te fariiraa e no te haapaoraa i te hoê vahi ei amuiraā no te amaa. E nehenehe atoa ta teie feia faatere e horoa i te haamaramaramaraa no nia i te taruhuraa i te hoê vahi e te faaotiraa ia patuhia te hoê fare fatuhia e te Ekalesia.

Te Mau Materia Tauturu



Te nene'i nei te Ekalesia i te buka no te mau materia no te tauturu i te mau melo ia haapii e ia ora i te evanelia a Iesu Mesia. Teie mau materia, o te mau papa'iraa mo'a ia, te mau buka haapiiraa, te *Liahona*, te faaiteite no te evanelia, e te mau buka arata'i. Ua haamauhia te mau materia a te Ekalesia i nia i te mau papa'iraa mo'a e te mau parau a te mau peropheha no te mau mahana hopea nei. Te mau materia no te hoê amaa o te mau materia haapiiraa tumu ia e aore ra, te mau materia i faatahia, e aore ra, na materia toopiti atoa ra (a hi'o i te *Haamaramaramaraa a te Feia Faatere o te Autahu'araa e o te Mau Püpü no nia i te Haapiiraa*). Te vahi e te vai ra te *Liahona*, e mea tia ia titau te utuafare tataitahi i te reira.

I te mau matahiti atoa e haapono te piha ohipa area e aore ra te fare opere-

raa buka i te mau buka haapiiraa i te mau amaa, e te tahihatu mau materia, e te haamaramaramaraa no nia i te poroiraa i tera mau materia e aore ra i te tahihatu mau materia i fariihia.

Ia tapea noa te feia faatere o te amaa i teie mau materia i roto i te fare i reira te mau apooraa e tupu ai e aore ra i roto i te fare o te hoê melo. Ia haamaramarama te feia faatere i te mau melo e te vai nei teie mau materia e ia faaitoitohia ratou ia faaohipa i te reira i roto i te faaineineraa i te mau haapiiraa e te mau a'oraa e te haapiiraa i te taata iho. Ia horoahia ta te mau orometua haapii, area ra, e mea tia ia faaitoitohia ratou ia faahoi mai i taua mau buka ra i te amaa ra e aore ra i te paroisa ia haamauruuranae-hia ratou ei mau orometua.

Te Mau Ohiparaa



I raro ae i te faatereraa a te feia faatere o te amaa, e faanahonaho te amaa e e faatupu hoi i te mau ohiparaa no te pahono i te mau titaura o te mau melo. Teie râ, eiaha te mau ohiparaa ia riro ei faatitoraa i te mau ohiparaa a te utuafare e aore ra, ei haafifiraa i te oraraa o te utuafare. Eiaha te mau ohiparaa ia riro ei mea teimaha i roto i te parau no te moni ia

ore te tahi pae ia tuuhia i te hiti no te moni rahi. E mea titauhia te parau faatia a te peresideniraamaa no te mau haamau'araa atoa. Te mau ohiparaa e faanahohia no te Sabati, ia faatanohia ia ia au i te huru o te mahana Sabati. Aita e ohiparaa e faanahonahohia i te pô Monire inaha ua faataahia te reira no te mau pureraa pô utuafare.

Himene



E mea faufaa te mau himene i roto i te mau pureraa o te Ekalesia, i roto i te mau utuafare, e i roto i te oraraa o te mau taata tataitahi, e te tahī atu mau himene au, ia hautihia anei e aore ra ia himenehia. Te vai nei i roto i *Te Mau Parau Tumu o te Evanelia, Te Mau*

Himene, e te Buka Himene a te Mau Tamarii, e te vai ra i roto i te mau reo e ê. Te vai atoa nei te tahī mau buka haapiipiiraa i te pehe, te himene no ratou i roto i te faatereraa himene e aore ra no ratou o te piihia.

Te Mau Parau Papa'i e te Mau Parau Faaite

Ua faaue te Fatu i to te Ekalesia ia haapao i te mau papa'iraa. E maha huru mau parau papa'i, tei faanahonahohia no te tauturu i te feia faatere ia turu i te mau melo na roto i tera mau parau faaite, teie i muri nei:

- Parau faaite no te faufaa (te mau horoaraa ô a te melo e te parau faaiteraa faufaa ava'e).
- Parau tuatapaparaa no te haereraa i mua o te melo (te haereraa pure o te melo e te faatoroaraa autahu'araa o te mau melo faafariu apihia).
- Te mau parau melora (haamaramaramaraa o te melo, tae noa'tu i te mau oro'a).
- Te mau papa'iraa aamu (patururaa o te feia faatere e te papa'iraa i te mau ohiparaa).

No te haapaoraa i teie mau parau papa'i e te faaineineraa i te mau parau faaite, e mea titauhia i te peresideni amaa ia pee i te mau arata'iraa a te peresideni misioni. E nehenehe oia ia pii i te hoë papa'i parau no te tauturu ia haapao i te mau papa'iraa.

I raro ae i te faatereraa a te persideni misioni, e haapiihia te feia faatere o te amaa i te faufaa e te faoohiparaa o teie mau papa'iraa e te mau parau faaite, e e mea tia ia ratou ia papai i te mau ohipa e tupu i roto i te amaa e aore ra, te paroita. Ia tapea mo'emo'ehia te mau papa'iraa a te Ekalesia e te feia e haapao ra i teie mau papa'iraa mo'a.

Te Mau Faufaa



Ua horoa te Fatu i te melo paatoa o te Ekalesia i te rave'a no te fariiraa i te mau haamaitairaa rahi na roto i te au-fauraaraa i te mau tuhahaa ahuru e te mau ô e te tahi atu mau horoaraa. E aufau te mau melo hoë i nia i te ahuru o ta'na faufaa moni e roaa mai ei tuhahaa ahuru. Hau atu, e anihia ratou ia haapae e piti tamaaraa i te ava'e tataitahi i te Sabati hapaeraa e ia horoa i te faufaa no tera maa i te Ekalesia no te haapaoraa i te feia veve e te feia ravai ore o te amaa? E ani atoahia i te mau

melo ia horoa i te faufaa moni i te Ekalesia no te ohipa misionare, patu-raa i te mau hiero, e te tahihau mau tutavaaraa a te Ekalesia.

I te vahi e nehenehe ia na reira, e piti na taeae tei mau i te autahu'araa e iriti i te mau vehi rata e tei roto te tuhahaa ahuru, te mau ô, e te tahi atu mau horoaraa, ia faai i te mau parau aufauraaraa e te parau tuuraa moni e aore ra ia haapao i te reira mai te au i te arata'iraa a te persideni misioni.

Haapiipiiraa i te Feia Faatere



E haapii te feia faatere o te autahu'araa a te misioni i te feia faatere o te amaa nahea ia faatere i te amaa, faatupu i te mau hopoi'a a te autahu'araa, e ia tauturu i te mau melo ia faaohipa i te autahu'araa i roto i to ratou mau oraraa. E horoa atoa te feia faatere o te autahu'araa o te misioni i te arata'iraa i te feia faatere o te mau püpü o te amaa na roto i te faatupuraa i ta ratou mau hopoi'a.

E hi'o te feia faatere o te autahu'araa o te misioni e te vai ra te mau materia titauhia no te amaa no te faatere manuiaraa i te amaa o te Ekalesia.

No te haamaramaramaraa hau atu no nia i te faatereraa, a hi'o i te *Buka Arata'i a te Feia Faatere o te Autahu'araa e to te mau püpü*.

Te fariiraa i te Mau Materia a te Ekalesia e te Iteraa i te Haamaramaramaraa no te Tuatapaparaa Utuafare.

E nehenehe ta te feia faatere e te tahi atu mau melo e farii i te mau materia a te Ekalesia, tae noa'tu i te mau pa'ira a mo'a, te mau buka haapiiraa, te mau buka ve'a a te Eaklesia, te mau ahu hiero "garments", mai o mai i te pu opereraa a te Ekalesia, mai te Pu Opereraa i Salt Lake, e aore ra na

roto i te Tahua Iterava a te Ekalesia, oia hoi te www.lds.org.

Te vai atoa ra te haamaramaramaraa no te tuatapaparaa utuafare i nia i te Tahua Itereva no te Tuatapaparaa utuafare a te Ekalesia, oia hoi te www.familysearch.org.

TE EKALESIA A
IESU MESIA
I TE FEIA MO'A
I TE MAU MAHANA
HOPEA NEI

